

謝先生別集

和



涇野先生別集卷之十二

禮部右侍郎前國子監祭酒翰林院脩撰 經筵官同脩

國史呂

國史呂 國史呂 國史呂

門人壽張趙錕會集

門人河東張良毅正

七言律詩

春興八首和王檢討敬夫

巳巳

今歲清明節不同雪片如手翻西風三月羔裘尚未解五陵鴻
鴈果難通登樓漫賦斜陽外叩角高歌長夜中朝罷倚闌聊舉
酌那堪花樹更飄紅

一方不雨猶堪救經歲博早至圩田江東米價高三倍天下人

中元謁陵和景編修伯時

淒涼白露中元節
斷續黃昏細雨秋
霧縉湘悟思帝子
月籠弓劍護丹丘
夜深谿谷風偏慘
人到松杉鳥亦啾
蘋藻薦餘歸路
遠萬山回首暮雲愁

壽趙行人弘道乃翁八十

鄭子舊時棲谷口
錢公今日竝風姿
九盤山上看蒼海
百步溪頭訪墨池
白首金蘭餘謝石
青雲玉樹有佳兒
鶴堂齊慶應黃耆
還看行人至宰揆

九日

去年此日病思家
今年此日尚京華
愁看易水連朝雨
苦憶涇村九月花
况夢鷓鴣墳上草
力聞椿樹老持家
東軒棄我成千古
載寂寞雲槐噪暮鴉

買菊

霜落燕山九月天
黃花五樹十文錢
買來連土植憲下
愁至開尊對月前
玉露擎離雙袖濕
金錢落帽滿頭煙
涇村半畝三年菊
此日芳菲應更鮮

蒙城道中遇史黃門宗道北來

壬申

滿山風雪舊蒙城
渭北江南卅歲情
素學夫行官已改
新詩欲寄夢還成
屈塋又拔唐堯甸
鳳還鳴漢帝京
白馬翻翻天上下
九重幾日御承明

贈韓平陽汝節

翰苑銓曹俱近臣渭河漆水復相鄰幾年妖變遺汚染千里
睽違負素心翠栢蒼松看歲晏青繩貝錦付輿論夷吾誰識葵丘
事最爾高奚是所真

過洪洞贈司徒韓先生

山西自產司徒後洪洞馳名海內聞憂國上方曾借劍罷官終
日但眠雲岱橫宇宙千年在河入滄溟九派分標標不堪霜雪
慘梅花影重衣問餘芬

再廣前韻酬韓先生

冬日負喧思獻君風塵暫息喜新聞偶從汾水入洪洞猶恨韓

公臥白雲懸定誅姦策已試近傳博古夜將分只今 聖主詢

黃髮會見蒼生襲舊芬

相公前輩重韓君豈獨文章驚見聞共說當朝今涑水不妨折

檻漢朱雲衣冠白髮山川重花鳥青春天地分 聖主厲精思

舊輔還看勲業播殊芬

霍州道中

四面山圍入霍州萬株桑老女枝椶榭臺拔地飛金碧城郭邊
溪狎鷺鷗晁水近從東谷出入煙半自翠微流汾涯故里予今

到回首陽陵渭水頭 李汾涯
霍州人

行路艱危有霍州萬山登降竝雲遊馬蹄蹶石乾坤幻樹影猶

溪日月浮野洞人亡餘臥犬山田壁立亦耕牛蕭蕭韓嶺周村
道落日汾河去鳥愁

壽陽道中

壽陽一帶入平定山路盤紆馬不前盡日岩溪村落少馮尚花
木水煙連雉雞戀母鳴懸壑樵叟穿雲過峻巔踏石那堪風更
急漫吹沙礫上愁顏

雪中過淮陰侯祠

朔風吹雪井陘斜韓信祠前日暮嗟爲將自當功蓋世事君寧
復計吾家通稀合取繡高后扶漢空勞用左車疋馬行吟回首
處亂山牢落幾松花

安肅道中遇少保彭公帥師征蜀作贈

臯蘭夫子再提兵在野在朝欽盛名庶孝青春光華嶽忠貞白
首益屏營已瞻秋日清河洛還下春江定蜀荆 聖主即今知
赤舄明公豈不對蒼生

都城元夜次李編修宗易韻

癸酉

春回此夜月初滿人在他鄉雪正晴塞上風塵傳報急客邊燈
火樂遊輕三千禮樂先王舊百萬山河帝子城經幄侍臣渾未
報每逢佳節自難平

和孟御史望之齋居大興隆寺

寶寺郊齋雲臥深春到白日禪房陰比丘祇樹說三顏身史憂

河東先生詩集 卷五十一 五
時懷好音與子常朝俱近侍班荆十載曾同心 至尊明日祈
丘澤平格相將肯浪吟

三月二十日飲宗易花園

三月看花雨正晴上樹下樹皆分明臨池藉草香生細對景憂
時官可輕翠蝶尋春猶自密黃鸝到晚不停鳴爾家新酒何時
漉爲我開尊夜二更

過兩槐堂讀魯司業及趙李溫程四編修聯句次韻

桃花半開半不開偶與東風過兩槐訪舊何嫌人醅酌逢春暫
可共徘徊燕山好雨初晴後翰苑名公且具來白雪歌殘歸路
晚短吟愁向月中裁

送趙尔錫李宗易二編修謁陵次韻

三月清明節尚寒六陵風雨拜千官蒼梧吊古餘新賦畢郢招
魂滅舊歡春半鳥鳴仙嶠衆山深花發蚤枝單曙餘回首昌平
道王氣關天更可看

次韻答李序菴

三月蕃薇花數樹主人開宴且臨渠只今五月將過眼更有何
花可對書上馬莫妙來造次同君正可玩盈虛白鶴新授遺經
得戒爾庖人不用除

次韻答趙類菴

名野曾聞平子外藥苗花樹縱橫渠今春不到常生恨那日同

行好挾書盜賊常時逐地起匈奴六月擄吾虛愁懷不盡南風
裏與對西山試一除

壽宗易母夫人七十

仙子珮回丹鳳池斑衣起舞月中移笑將階下芝蘭樹跪進堂
前江漢危况是中元真氣象應占七十過期願醉中記得先公
約見我經綸天下時

中元節同徐編修子容謁陵次韻

萬馬中元陵下路千山風雨夢中晴黃金殿閣秋雲護丹鳳蕭
韶子夜成出水白蘋供玉露環林赤羽集神兵 六朝聖帝同
高祖漢業周邦似太平

重宿昌平劉諫議祠

往年曾過諫議祠破屋瞻神不勝悲雲水重來經四載蕭條猶
自倍當時頽垣碧瓦飄風雨落日山門不爇香生在晚唐元下
第死今殊代合無知

謁泰陵次韻答崔編修子鍾

初予太學諸生口共送先皇天上賓卜載青蘋今再薦常時金
馬愧為臣燕雲落日來山雨塞鳥西風到石筠回首 廟前松
桂路不堪血淚灑衣頻

謁陵次韻答李序菴

蒼巖松桂六陵暮流火蘋蘩七月詩蜀漢干戈悲此日河山禮

樂憶前時鼎湖日照金龍近風雨人歸玉馬遲寂寞天涯清廟
夜 孝陵南望益堪思

祀 泰陵歸與子容分韻

金馬仙郎出帝丘海天白虎萬山秋九疑漸覺蒼梧杳畢郢重
瞻紫氣浮共說孝文能振漢誰知王季始興周衰楊落日沙河
道雲水蒼茫草木愁

登徐子容樓同何仲默分韻作

昨日昌平山下道竝遊松桂賦清秋思君不可三日隔繫馬今
登千尺樓落日珠簾風細細對花江酒院幽幽感時何用悲王
粲坐見浮雲天際收

次韻答李序菴見留

甲戌

謀身已許鳳凰池病裏思親興轉移清渭濁涇頻入夢一冬三
月盡通醫即後 聖主乞收骨翻作明時一解願不謂南隣瀛
海客亦然笑我為憂持

題張郎中子醇白髮卷子

風落空山激壯心漫彈長劍與雲侵五年四海兵誰苦一日三
秋那為深把鏡不堪霜在鬢盃杯猶自淚沾襟傷心往事頻疑
夢詎為愁懷已在今

送來連城尚綱

青春臥病今年又白日別君雙淚垂上馬不須憂篋笥到官便

江里先生詩集 卷三十一
可問瘡痍江南未寢姚源甲天上新飛漢詔旗涇口舊時曾共
賦汀州重去不相知

送李少尹宗冉

嶧縣縣丞西李侯十歲讀書今白頭一朝騎馬嶧山下百里生
風棠樹稠蒲亭有長惟樓鳳勃海無人不買牛慚予錯擬登金
榜幾有涓埃海岳酬

別胡檢討孝思謫嘉定

庚午

往年聯第上彤闈同飯易衣供養歸李白才華詞苑少夜郎風
雪渭河遠邛山若竹猿如鬼劍閣通天路欲飛千載今參嘉定
賦使君重整更光輝

得柳 辛未

病人屋裏驚春暮孺子眼前折柳來藥爨關心忘歲月風光如
此有尊壘鹿門終乞招耳隱商谷還須訪二壘自是許由難見
用非關堯帝不憐材

山居得雨

即看簷際雨新飛臥對南山客到稀霧縉春街周樹木鳥鳴斜
日漢郊圻山中理藥讀盧鵠病裏題詩學孟常彤管三年金馬
地夢魂今已久相違

訪康德涵于武功次韻

壬申

謝謫應同賈誼年訪于林下一泠然平時一鷄搏秋漢此日千

花釣武川不惜焚魚白馬去獨憐長劍紫光懸干戈滿地餘雙
淚唾手功名憶俊賢

自濟西庄回過綏城渡

山縣初過候吏隨離愁歸思總淒其看原細柳晴嵐外市古長
楊白日遲啼鳥帶雲溪水咽野花迎馬路人悲相將滯上濟西
曲萬里風沙靜屬誰

得何修撰栢齋書

西風吹雨濁涇秋萬里河山獨倚樓四國煙塵猶在望故人魚
鴈更添秋濟時尚可歸君實有道無勞念許由共擬淮南謀為
寢不妨谷口日以遊

過懷慶守何開州栢齋

甲戌

前年抱病過覃懷日午開尊笑語侑此日重過猶對月思君何
處獨臨階開州休訝新黃霸河內重生舊魯齋天為 聖明翔
鳳鳥忍看屯難羽毛乖

黃河

黃河六度此逢春柳暗沙明覽未真趨海幾曾停晝夜受川何
處是涯津崑崙修過遺拳石底柱常經未損神但願狂風休作
惡波濤俱是上船人

石盤晚浴次韻

當年辭賦薄黃初近歲麒麟擬仲舒數病歸山成懶拙端居習

靜總玄虛空廷鳥鵲時相邇舊日冠裳亦大踈涼夜浴餘鋤藥
草漭天風雨過簷除

九月十日張郎中舜卿平蜀回陞濟寧僉事夜過涇
野草堂話兵

爲親十載掛冠去酬國今宵平寇來共話燈前猶淚落偶驚
賊裏得身回欒書佐協偏陽下司馬撒馳蜀道開天子用人
常歷試秋風先上濟州臺

送張給事士元謫新添驛丞

黃門給事張公子風雪飄零天上來諫草不隨行李載除書直
到貴州開過門問病存知我遣使停車贈別杯恹底朝陽鳴彩

鳳登時先多肅烏臺

新構東廓茅舍遇春分雨雪

乙亥

今歲春分喜雪飛時添寒雨轉霏微萬方旱雪愁應滅一築荒
居忘豈違繞舍青椒傳暗馥倚窓紅杏競重輝杖藜獨步東郊
外渭水南山遂所歸

再病還山下渭陽卧從舊圃作新庄栽花便遇春分雨築堵仍
馮郭外牆但使白雲眠處穩不妨青草座邊長柴門莫道不迎
客三徑亦容裘與羊

挽李丈人寄寇子次韻

斷腸聞訃不能言漂泊長江遠客魂生受汝恩差在固極死無吾

友更誰援臨風旋瀉三冬鴈望極時聽一夜猿丹旄暮春哭古
寺病回今始出柴門

夢斷床絲祇自疑書來是爾蓋棺時返旌曾約涇河醉杖劍奚
為澤國馳江上扁和醫有命山西寇史義同誰獨憐報德慚若
子西溪西風理苑儀

雨中過東林

春深荷笠過園丘山郭誰同此興幽萬里來牟青不斷幾年心
腹病應瘳夢通院水圍新樹獨倚軒風憶舊遊雨勢絲絲時欲
歇數聲黃鳥杏枝頭

南山喜此春一春三雪雨還勻近山麥秀平長嶽舊藏
離返故津病子遊歌樓草木有時策杖訪周秦裘羊欲近開二
徑笑倚山城共此真

贈僧

此僧住在涇河濱寺有長松拂白雲月下常招讀易客水邊曾
看定心文打麼半夜金山響禮佛西天蓮座分鄉縣諸生亦日
靜鳥啼花落不相聞

賀李掌教生子

譙開十月廣文堂新得明珠照夜光我亦願為湯餅客君今合
作治弓良熊羆月下應多夢狐矢門前射四方白日鯉庭雙訓
好黃金燕翼一經長

答呂道夫次韻

不瞻仙範五年來，每得雙魚濯手開。
天子舊知鷓鴣殿，使君奚云鳳凰臺。
河東休訝驅山力，洛下曾驚燬石材。
頃刻天邊風雨過，不妨白日蔽塵埃。

贈張都憲汝誠巡撫遼東

隴岍方足隨車雨，遼海還看所茂棠。
我過潼關秋夜月，人傳雲塞舊風霜。
時方多事思三代，世要賢臣歷四疆。
報國韓公通節制，合家蘇氏本文章。

贈靖虜千兵魏仲仁表兄

武畧將軍魏仲仁，祖來於我實相親。
尋常傲敵師，獎喻填列陣。我似祭遵十載會，
昭知有後一朝鳴。處果驚人自從叔，績狼山下打刺赤邊絕虜塵。

尹志夫弘學還介休

木葉開時人自晉，秋風落處客辭秦。
園花受雨臨生色，駿馬逢人更絕倫。
試上太行摩日月，方知滄海不涯津。
林宗有道千年外，寂寞誰當起後塵。

重宴沂東二首

萬柳同陰孤月光，八年怨別此春償。
范張有約輕千里，管鮑不知豈一匡。
我已常痛涇北野，君今沉醉澣西庄。
山中無事非空卧，鳥在丘隅不肯翔。

三月西征萬景浮主人醜酒我當留但攀皓月青尊照肯爲紅
塵白髮愁往者西山生鳳處西山者唐山也于今落日牧兒遊與君試
上終南頂誰道天高不可求

贈耿季醇

聚繇縣高人耿季醇當年一見即相親別來何帝懷三鑑重會真
如飫八珍雲水山川提白酒風花天日史陽春他年民瘼湏蒙
傑應見麒麟畫此人

贈康德清

康氏弟兄君少年往時晤語即超然尋常一別七年外倏忽重
逢三月前醉裏高山花下弄夜闌白雪雨中暎那堪信宿不知
寐美爾豈爲塵俗牽

贈康德一

祁奚素不阿祁午康子逢人說爾醇重到潞西慚會晚再來鳴
處定驚人酒中有賦還誰敵月下無言更逼真自愧不如陳寔
氏君家兄弟却過荀

杏林鋪憶潞西庄

杏林西望馬融宮回首茅堂萬數帑花解我來三月雨鳥知吾
去滿林風座中杯酒懷仙侶山外歌聲戀牧童佳會重來何處
是洗身期在浴池東

次賢山寺壁間韻

是處賢山寺亦幽偶因浴病暫經遊路從曲洞俄如夜山有碧嵐忽訝秋柢樹風雲猶自昔金花色相更何留橫梁祠宇東瞻近此道悠悠昔客愁

自賢山寺來渡渭北望

清渭西來第幾灣弱流如帶繞賢山到家計里纔三百大勢黃河爭一問漣漪滿諸流收禹貢判終兩岸接潼關漢宮唐闕風流盡八卦臺高猶自懸

同汝言德極夜謁張獻公像宿其旁屋

采髮便思遊故里白頭今始見真容衣冠雲日松杉古氣象山河禮樂宗遺語聞人天地闊斯文傳世孔顏重蕭條祠宇東風裏欲薦溪毛太白峯

同康子過張子鵬煖泉書屋

盤屋城西景亦奇煖泉書屋對玄陂青春過訪同康子翠竹叢中出戴逵傍戶稍勝將百萬自家田廬不羨獨餘鷗鳥無人管日夕相看與賦詩

盤屋同康子夜坐作

看山有約已多年未到山前雨更先休題此日仙遊寺已負昨朝那得泉為我迂行三百里千山未有一分緣明當匹馬過甘泉重整來期間衆仙

南山北望河關中佳氣古來多秦沙雪后猶存卦龜地風

高自解歌亦易會求傳易妙青年欲問說經訛那堪二曲偏風
雨天縱高懷幾夜哦

悠然樓作

悠然樓上望南山萬竹千花三月間白鶴巧穿青草細蒼雲高
點碧峯斑主人風雨留詩客盡日煙霞釣玉灣睡子未開雙八
樹春風先已上人顏

重雲寺

重雲之寺對重峯寺下清流細亦淨晴日山川雙白鳥燂風宮
殿幾蒼松比丘祇會調金縷地主春曉帶馬石松病裏尋芳三月
后到山兼得與君逢

贈王大叅拱之考績

辛巳

即看旌節還天上尚憶當年青瑣時百二河山知有賴九重口
月奉無私旬宣不避虎狼口督餉仍題鴻鴈詩 聖主日方憂
社稷使君勳可勒鍾彝

次劉太常東峯韻因索乃翁方伯墓銘歸

孝子揚親不計程單車千里到山城太常夙夜原敦禮邦伯東
南舊著聲共說劉寬真有后偶銘郭泰豈常情鐫珉况載谿田
筆天上月輪照爾明

與少府趙君留別

寒冬我欲上京師少府托人索好辭杯酒每逢知雅量林居恒

復誦高詩涇干渭澗皆吾舊竹馬蒲鞭為爾思岐上踟躕那可
解相將寧肯負明時

題西谿草堂

仲冬十日到西谿水繞山環鳥亂啼若到春來風蕩蕩怎禁行
處草萋萋當年杜子遊無厭此山張卿興豈睽我亦有懷頗入
夢卜鄰何日手相携

少華峯陰一草堂醉眠仙客日初長稻塍水滿田鷗鷺竹塢雲
深落鳳凰東谷為人避世早西谿隱處看山詳獨慚白首猶塵
七欲謝樊羈學爾狂

雪中於劉貢士宅古文集 壬午

葭草已菲共喜豐年當有道懸知寒谷免啼飢芳村正好開春
宴况送仙郎入帝畿

在華陰與汝慶吟問劉遠甫至足成篇

孟春之日起東行二月初頭猶此城知是華山相繾綣故教韓
慶與相迎道傍梅柳懸春色宮外鶯花送友聲更喜東來劉遠
甫翩翩攬轡欲澄清

至陝州追和韓御史大之

韓卿關外兩貽詩我到甘棠恨和遲二十年交西漢輔三千路
過召公祠黃河元自渭河大華嶽不隨羣嶽卑此去天邊瞻日

月有身何以答無私

宿孟津

二月中旬到大河陰風一夜起洪波曉登樓子看雲楫已見漁
翁載雨簑頃刻風回雙岸朗幾番人渡一禽過東征莫怕前途
險豈有奸濤暗作魔

清化道中遺韓子秀夫

蚤起東風過沁河樣船初試水層波軍懷太守非新識涇野行
人感舊過花柳滿川禽對語風雲一路室相歌使君更踰張堪
上處處人栽兩穗禾

孫揮使索題

將軍年少鎮潼關餘力猶能折巨姦豈是尋常持節鉞固於百
二障河山秦中父老誇繩武棘下熊羆見轉環父氏于今南戶
部相逢輒說舞班爛

題函谷草堂

函谷草堂天下知主人終日卧於斯紅塵誰肯開梅圃清夢何
曾到鳳池詩考已能言晦老易參猶欲問庖羲我來二月春風
裏此學如君心所奇

唐橋

定州送我過唐橋北近塘城路轉遙落日烏啼垣四塊春風人
度柳千條時登萬稜仍憂舜人到夢墻不見堯北極喜瞻新日

月中懷飛動切雲霄

壽鄭子元乃翁

鄭子元之父館陶君年六十子元乃翁

鳳池仙子斑斕袍東觀著書愛日高開手未嘗忘直筆撫躬寧

不念劬勞六旬初度思瀛海千里為圖寄館陶應使縣民同壽

城有兒端節立 清朝

五月望夜於李司馬東岡宅月下留酌

明公討議十年前曾向涇河素草玄此日看花月正滿喜早當

院酒相延泰山滄海思東魯嘉樹良宵對北燕自愧離家過百

日幾能沉醉者為仙

煙東燭次見素林公韻

月且如鈎東殿懸香飄紫鶴已驚天絳紗雙照金龍燭黃卷日

開玉帝筵鵠喜寧如坐睡后祀誠積自沐身煎蒼生凋瘵非

今日講極欲更琴上絃

寸心縹緲五雲懸八彩分明飛在天燭下談經奚待旦寰中望

治此開筵金蓮豈接蘇生後寶曆真傳舜命前最是窮岩難見

日南風應到五條絃

壽李太淑人八十 癸未

七十曾占期更加眼看賢子相勲華只今年老不鳩杖且見元

孫醉杏花鄭北母儀推漢輔隴西門第自唐家鷄啼日喚春坊

起勸講 君王福海涯

望母不至

釣渭曾言奉母行往年北上偶孤征意將妻子同今到猶倚門
闔背舊盟常笑絕裾非所志縱能分俸亦常情看看衰白慚酬
主何若收書侍濁涇

次見素林公留別韻因以答之

公去河山重我悲歲荒民病且明時總然林壑愜初志須信
朝廷實未知若使丹心恒弼教肯於白髮但題詩翩翩鳳鳥虞
廷舞不是鳴球一箇夔

中興賢相豈漁養精力且強歸若何束帛蒲輪跡尚煖高山流
水興奚多巖節自此虛儀表玉燭誰當調太和末學西州亦忘
士欲隨杖屨問雲窩

題白巖喬公壽卷

年年常作壽人詩縱祝多齡豈濟時千載何如太宰頌一朝應
見萬邦熙干戈水旱知皆滅賢聖忠良且具推最是阿衡承簡
在肯教平格擅虺伊

賀石齋老先生壽

一品中書十二年清秋湛露錫殊筵扶唐共數汾陽考冊代仍
辭右相遷桃李望門思滿村海天開戶欲高眠恩光况是逢初
度益覩休休壽八埏

應太史同年新任遇雪口號

壯歲連翩奮禮闈春風倚權獨東歸今冬十六七年數舊日二
三百輩稀白髮方登青史任紅塵又與素心違雪中新酒多斟
酌柯氏栢栽且數圍

十月十三雪如料東風西風皆無有朝廻金闕散瓊瑤宴集
玉堂迷栢柳萬里來年應稔年滿筵詞賦合加酒獨慚薄劣接
仙班病眼乘歡亦數斗

禮部同年記戊辰朱顏青鬢鵠楓宸自從避世君歸越未久
辭官我亦秦萬里羊安勞夢寐秋事業愧因循流光已忝班
居首覽德偏憐任始新

新任筵開翰苑幽路泥騎馬殿東頭鳳來蓬島瓊花落雲集玉
潤嘉樹稠積有丹心酬帝德誰將白髮鬢官愁周京八枋元
俱掌不獨三墳暨九丘

詞垣新任賀應良天與留客雪正零筵序六科愚在首英藉四
海會非常北辰恩寵元無涖前輩風流合有光憂旱勿懷雲
漢賦只於此際轉豐穰

除夕次張侍講石洲韻

今夕何夕我亦歌出門仰瞻天回河白髮又從明日數少年常
自此宵過椒花泛酒萱花遠病眼題詩淚眼多况直江南災沴
候相着其若斃民何

郊日即事呈稊玄菴侍講

甲申

今辰 天子事南郊萬里風情見鵲巢丹鳳若從簫管出 袞
龍直與地天交即看烏鳥歡金闕已有春光上柳梢免慮江湖
多凍餒 聖皇猶喜重同胞

次韻答張都憲仲齊

宣武門東接里閭雲山一別五千餘長城行見築西夏諫草合
飛成大儲四海親交寧幾輩雙魚流涕誦來書救荒腹裏今何
策不獨安邊計且踈

送石齋楊閣老致仕歸蜀

九重天子信元臣一表纔投遂隱淪江海餓喙冷骨肉廟堂人
去不經綸山中紫朶逢寧采亭裏丹楓憶更去兵春渡黃河經洛
社相公寄謝起芳塵

春夜同谿田觀白沙詩

携酒談深樹睡鴉挑燈人對鬢雙華憶從羈北魯偕約猶自捫
心未到家便向今宵調驥足可於明日徧天涯相看碧落無言
處開盡春風次第花

經冬一病重如癡繞到京華却愛詩渭水峨山非後約江門浦
口亦前知邵陽雨爛耕莘耒商谷年凋入漢芝酒過三杯同看
月一鉤春冷夜深時

次定山白沙種樹韻

休種梨花休種桃片時風雨落空坵中園若植難凋樹外客如

來也愛澆暮夜香生兼對月寒冬春在且持醪柳州雖著棠
傳別有棠駭恐未遭

上趨雲岑下趨洼年年種樹便開花地當幽處偏生色春若深
時正在家五柳陰踈來鳥坐萬方根遠到天涯涅般若解吾三
昧免向祇園樹下誇

三月四月天初晴杖策無人繞樹行春起滿園曾種爾夜來一
雨盡含生身傳造化輕榮悴心入皮膚任治平地近差我三十
日時來枝上聽鳴鴉

風雨

欲雨不雨今三月風靜還風這幾年風雨無心天自定榮枯有
數物皆然神龍亦作蹄泮內靈^此不巢桑樹顛借問還丹人幾
似等閑休笑華山眠

與東郭宿陽春堂起飯

與君不約宿陽春交首談深夜向晨鈴杵聲清相應切橋連味
若此行真還聞鳥鵲樹交集縱有塵埃我不親對甃共食還共
詠影然已是渭濱人

同東郭讀臯陶祠壁間詩次韻

我來桃實已無花近繫群公可到家尚與留甄堪墊席行將泛
渚逐浮槎吟遊獄院瞻初日坐見晴天點亂霞攜手幸同東郭
子前途如矢不曾斜

與東郭評杜少陵詩作

不了襟懷盡付詩于今千載有吾知獄中上疏鄒陽共春裏陳
情李密逢江海悲愁先得我千文文蔓戢憑誰聖恩如許還清
渭杜曲南頭遂所思

杖回同東郭觀桑椹

杖罷相携過獄林仰看桑椹黑將沉葉間群鵲猶能食樹下雙
鸞得共吟蔡氏無筐將毋淚商王有禱近臣心不才素鄙攀援
上有志徒懷寄好音

次東郭韻

日月壺中費長房將無此地阻春堂興心本欲通天地為衍無
能格帝王易水風推葵樹獨渭河竹裏釣竿長翻思經帷
十年寵一疏深慚返故鄉

氣樓

氣樓疊屋與雲浮圉圉無塵寂且幽一室常時見白日八憲五
月欲清秋餉來聯坐吟風月睡起孤遊晚斗牛畜有高懷休作
賦無階不是仲宣樓

感恩楊村作

携眷登舟大暑前友朋愁熱具凄然臨灣七日雨連夜上路常
時風滿船涼日翠禾千里色穠花語燕萬家煙天恩浩蕩真無
涖逐客承恩却更偏

直沽道中

倚棹薰風過直沽柳陰不斷亭
麻途惟將寶瑟彈清廟焉敢生
萬效白駒丁字口西日未晚
天津橋上鳥休呼須知 聖祖無
疆造南北翁河是遠圖

天津阻風

直沽舟轉詣天津浪打房高艤
草滑觀海將無非易事到涯猶
自是難親長楊短柳皆生色
去鷺來鷗盡有神咫尺滄溟阻
逐客幾回瞻望紫羅巾

天津東門移舟西向作

天津城下水連天海口東看萬里煙
止見帆檣雲外落却疑日

月中懸

皇圖鞏固生雄鎮

聖化流行此巨川愧我元非

舟楫客倩人搖櫓出幽燕

舟泊天津北門之西喜而再作

南北雙川會拱辰是誰名鎮定天津
果然霄漢無他路須信乾坤有至神
頃刻浮槎星宿海幾迴折桂斗牛濱
親聞帝在銀河 語萬派千流總濟民

河邊見鶴巢

舟過天津見鶴巢拮据初上古楊稍
舟心一點從頭露白玉渾身恁手描
祇戀河洲眠沆瀣不妨林鷓日喧呶
天晴花暗薰風裏振翮一聲通汝家

楊柳青道中

倚棹張帆楊柳東，深紅淺白夾遊龍。
紫雲深處多高岫，翠鳥還時傍順風。
禾黍行看雙秀裏，閭閻想見九歌中。
聖明天子太平日，縱謫長沙不怨侗。

夜奔王家淺作卽大酒庄

楊柳青南奔大庄，夜深猶未泊村房。
倏瞻明月躔牛斗，更詫長河耀壁璜。
催棹柳邊依舊岸，逐朋煙裏憶新觴。
蕭蕭一火熒熒處，應是停舟郭以方。

故城舟中見燕

西舟南向已經旬，寂寞窮途何所親。
惟有路傍閒紫燕，時來水樹獨更生。
人心有覺天同泰，地道無成物自榮。
總爲河汾通勝石，不求槐棘舊知名。

法旆西風古晉臺，葵花十月傲霜開。
傾心不向白頭變，衛足寧令朔氣摧。
但使孤芳懸皎日，何妨落蔭咲汗萊。
天根蚤歲滋培久，不是尋常野塢栽。

次觀宮論題李宗伯孝義山韻

孝義山成瀛海曲，風煙時與帝京通。
番臚不忍勞問左，泣血應誰似易東。
三族已輸坏土力，萬邦還仰泰山功。
燮調自古思三釜，細雨黃昏馬鬣封。

贈余德暘自新鄉調安邑

於子禮闈微有分到今事我半如師况分仕縣屬吾郡誰料謫
居遇故知龍來本湏星藻爛鳳棲重嘆枳荆逢丈夫別有生身
處不是尋常取次爲

寒泉座上留題

泉水冷冷透骨寒照人妍醜洞心肝相逢九月葡萄下對酌高
吟天地寬細雨飛微催管笛華堂岑寂萃衣冠黃河東去源頭
遠玉派瑤璜自不凡

留別黃石蒲德瑞

幾年奔走河東地醇酒石蒲千萬杯此去關西誰共醉獨餘籬
士親瞻方岳久旬宣

寄元城劉伯瑒進士

四旬二歲登黃榜千一百程慕白華愛主瀕行封事若卻金端
坐奉身嘉新知禮部不爲晚近望元城却甚遐曾工終能傳一
貫孝經真脉未嘗差

涉縣許尹出乃翁杏林圖作

路過涉縣羨君真如舊相逢不啻新喜有朱端能畫杏解知許
尹善思椿玉泉亦若東泉味漳水那如錦水濱燭下雙垂秋夜
淚相看俱是去親人

贈大司徒李石樓先生次韻

石樓夫子掛旌軒高臥巖峰不可攀
恒歛西連鳥嶺峻梅溪水繞沁河
源潞公相想人情恊王氏學刊枝
葉繁愧我叨陪僊杖獲道真不獨
盡寒暄

沁水阻雨呈石樓先生

沁水行窩對石樓山深一雨不能休
需泥六月出京國計日七旬未解
州住馬數勞東道主怯寒如及授
衣秋萬松書屋碧峰頂芝磴雲深
更阻遊

桃花洞口次南江子韻

桃花洞向小池開石勢參差僊淵隈
秋日入山尋白玉茂林携友踏蒼
苔雙燈野酌當岩細滿座鈞天何
處來忽聽雲霄折翅

鳳大河喬嶽轉興哀

聚僊堂次宋御文韻與子孟學

硝池晚過愛漁舟何似濯淵亭上
留夢裏遊春懷老杜雲邊携友得
新丘孤燈天柱峰前酒落葉王官
谷口秋此意相將更不盡黃河南
望日東流

雷石盧公春發解梁送之平陸

暖風新起送淮康遠上條山萬仞
岡病子久嬰林石癖望塵不爲宦
情忙憂邊豸斧時還礪向日葵花
春已芳周道逶迤通海外好看
驄馬四蹄霜

俄驚解節天邊去旋整春詩道上
頭詞苑雲存五鳳色栢臺霜

欽一天秋常憐逐客甘迂僻屢有新書下解州正馬跋山平陸
縣東風浪裏草初柔

次秋山杜公韻因以解答

渭水思還旦復昏條山斬日臥借煙雲偶勞客駐河千馬誤似人
驚海內文荆璞敢辭雙足足剛舜風元冀四方薰邇來已見都人
士臺笠孤裘飽襲芬

次遊王官谷韻

春遊谷口共東坡更入堯夫安樂窩遍履青山兼白石偶看碧
水浸新蘿雲簪一柱吟全少樵過百盤路不多好是休休亭上
月清風啼鳥一長歌

次觀黃河三門韻

肩輿共訪大河涯積石西來性不移峽裏三門隨意入波中一
柱頂天奇平城績遠先堯甸精一心傳此舜圻春過萃津觀化
好狂瀾迴處更堪題

躡石緣山豈漫遊關雎遙望此河洲乾坤闔闢三門峙日月浮
沉一柱流自有崑崙高作本不勞江漢細爲儔張騫亦是窮源
使惹嶺歸來未見頭

奉和玉溪子端午登中樓次韻

中樓未上誦題詩野興翻飛有所思萬里河山人文節百年涕
淚石榴卮湘纍色線援方急天寶角弓戲自奇家在濁涇清渭

曲未能歸去亦遲遲

和字川登河東書樓有懷西渠張子

謫宦條陰借地幽西風暮雨日登樓慢披黃卷懷玄宴忽對青山欲白頭石樹猶新霜後葉山禽久報院中秋當年建署心何壯地是虞鄉與夏州

觀水車汲井次韻

一泓碧轉白雲光與客行看笑倚床山下有泉通涑水世間何處覓天漿誰能疏鑿百川會眼見轆轤萬里長遙意西渠寒冽外井收無幕已傳方

得秋山前韻詩并賡二首

離城十里地清幽南對中條起玉樓墳典以來俱頓足海山何處可尋頭日斜不徑緣新雪花暗東籬感舊秋此計讀書鬢半白毛材猶愧佐名州

每於曲水借瑤光况復繁廻日繞床井渫逢寒元可汲簋餘誰道不爲漿秋山碧石泉偏遠杜若清流香自長欲問當年胼胝客滄溟不語但東方

次內濱初公書院登山見懷韻

辭書拜遣去途遙更接陽春敢續貂暮趁山州泥滑滑遠違風度意寥寥鶴於雲表猶遺唳鳥啄田中未斂耆藪還尋深谷潔欲從齋沐再圖要

在河東聞兒田至喜書

曉報吾兒抵解州霜中促駕返池頭去年滯雨黃河遠此日充
牛紫氣浮先世種葵心盡赤後園折桂朶如甌碧天若對蒼生
問舊草丹墀已白頭

喜馬進士子約至

涇河十載課周易虎榜新題過嶧畿秦客久便燈火苦解人共
覩鳳凰飛爰疑早識膠庠俊交好不於風雨違此去堯天瞻日
月萬年策對近清輝

喜內濱令第秋捷次韻

洞庭秋渺桂風遲香入河東喜極悲棠棣花開驚晚歲鳳凰聲
似並明時霜飛晉國瞻驄馬雲起潛江弄玉篴夜讀孤松傲雪
卷膠州自宋有芳遺

柘臺初建鳩橫秋令第慶場得妙籌撥月青霄年尚壯看雲白
晝頓今醉鄉山璞玉懷應獻當道豺狼問肯休沙縣清河芳躅
遠沈潛遺訓記能不

挽王師堯父樂真公

萬山霜落此留名汾水黃河總繫情一謁橋門知世路遂歸空
谷賦平生條山有道人爭挽魏樹無風鳥亦驚丹鳳翩翩趨
玉闕猶思椿老月盈盈

次初進士鄉捷韻

脉脉潛江世一編壁經東自魯邦傳夏侯大小皆聞道龍虎標
題信有天襲桂錦堂流白月銘恩翠扁及青年之蘭玉樹光雲
夢不啻尋常謝宅邊

次謁司馬文正公韻

地臨高堠敞清幽鐵檜鱗松幾百秋文字已爲天下誦豆蓬誰
與墓前收山陰有後憐青史涑水無舟欲白頭悵惘風花頻涕
淚相公康濟是前籌

紫蓋迢迢轉碧沚辨香祠下日初曛忠碑月照章惇妬御篆龍
廻蘇氏文獨痛青苗殘赤子誰將白狗變蒼雲回思傳說臯陶
後曲涑條山丹產君

次登瑤臺韻

深秋曾遠看瑤山萬嶺歌斜尔獨端攢翠詩成驚甚切丹青巧
絕畫應難湯峰近接蠶姑曲巫水遙連河伯寬悵惘嬰鞭行未
執雲中指點共奇觀

次中條道中韻

驄馬駸駸平陸縣緣山歷水興奚疲長途見景過還愛去鳥聞
歌似亦疑欲問豺狼迷石穴偶經陶屋感幽詩道州風月原光
齊却爲民愁引鬢絲

次早發芮城韻

風急灘邊飛石礫地寒山角露朱暎星軺問俗黃河曲鳳旨傳

嘉白玉閣洛水埋輪思漢使聞田駐節覽周村謫居僻陋忻迎
逐打兔捉魚獻野尊

次觀劉氏塋韻

茅津渡口暮冬過松檜珊瑚落鴈多地下冥僊含笑語天邊豸
侶寄哀歌夕陽猿迸王衰淚玉樹人瞻謝宅柯放雀投龜流澤
永門墻萬里對黃河

次重謁雲長祠韻

翠栢蒼松渤海深拜瞻仙廟獨登臨條山涑水斟鄩烈日青
天陸遜禽周鼎自扛誰敢問魏金唾視是何心當年丞相絕倫
嘆止為姦諛淚滿襟

憶梅堂

江邊梅樹臘月花淡香遠逐萬人家欲於雪裏騎驢覓恍若窻
前帶月斜桃李園林何寂寞水霜節候幾榮華未須更論調金
鼎只伴青松亦自嘉

出迓谷泉柱史

侯于見山精舍贈郭何二生 丙戌

束帶披袍出郡城見山精舍望霜旌繡衣未到驚雷起白髮寧
辭倒屣迎恃舊已殊交界接感思猶幸謫官輕門墻有上寒
還樂甄枕石床夜誦經

次谷泉龍門懷古韻

曉鑿龍門擊白日暮看洪水殺滔天論功萬古應誰並垂統千

秋更子賢數語危微曾口授一中文武尚心傳
偶來風雨卑宮下親覩巍巍無間然

河津覺城寺次內瀆韻送谷泉

覺城寺下西流汾草樹陰陰幻白雲一片旌旗搖晉鄙幾回奔
走送人文風霜盡日醇醪裏半麥欲秋岐路分後夜那堪明月
下鍾繇杜甫共思君

陪東渠李公再謁禹廟次韻

赤日蒼松萬壑秋玄功遠並紫雲遊齋燻再拜隨方岳覽眺重
看納細流天地誰成應探本輝霞水面合登樓危微授受虞廷
邃暮倚雕欄憶往儔

鹽風亭山贈楊南澗憲副

海光亭下泛瓊花折柳山前客路賒萬袖煙霞燒甸舊幾年風
節楚書誇偶草步草依嘉樹漫和陽春識大家柱史耽吟磨磔
硯不妨清飲忘年華

渭水狂夫慚白首雲中浩氣羨玄鬚登途豈厭風塵苦既顯誰
如苞苴無崇樹陰深迷洞野虞鄉人去謁湘梧大行遠障黃河
水到海只看起自蒲

壽唐太夫人

六月五日綺筵開青鸞萬壑下瑤臺舞者王母添遐算笑引群
仙進壽杯秋月一天江漢潤白頭五福子孫才薰葭倚玉賢郎

處漫頌南山徹九垓

送谷泉

七月一日度條山穿雲乘霧石間關西風曉送湘江客茂樹人
吟河水灣春雨秋霜辭晉地阜臺百簡即天顏幾回叨下陳蕃
榻鳴鳳高飛不可攀

荅金谷菴鶴卿太史

往年接武侍文華此日分携骨甚餘人世疾於雲外鳥交遊半
似雨中花判州推府官非惡紫華在丹徒意自嘉偶向洞庭問消
息江邊梅樹更飛霞

雨中過中條送內濱

東風吹雨過山前僕馬淋漓行欲顛萬里仙舟秋且發兩年秋
酒彩鸞還身從亂石入平陸鴈帶白雲望楚天最是斜陽離思
劇濛濛冷霧接江邊

次謁關龍逢墓韻

嶺柏啼猿柳咽螿諫臣孤塚照斜陽憂深禍本伐蘇氏恨切鳴
條入有商碎骨忍看伊洛竭逆鱗不為汗青香那知義勇猶扶
漢一脈流忠天地長

魏野草堂話別次內濱韻

黃河南渡近重陽落木蕭蕭逐去航白首紅塵慚魏野西風曉
日憶葦棠更憐遷客獨還解忍見雲旌遠向湘欲買石田為老

計隔溪引水傍山堂

憶內濱

丁亥

謫判山州仗內濱每於烏府愧嘉賓
春風不為綱常厚鎮日焉能盞
酒頻曲凍條山皆歷覽虞鄉夏
向似更新歸來西渡黃河水初
月如鈎照去津

春遊桃花洞呈對山太火

攀岩引水下山巔愛是桃花舊洞天

丁遠乘岐隴鶴故人初

肆解梁筵幾聲長笛吹松杪
十載相思說夢前日暖風晴須
酌酹莫教谿鳥笑空還

次韻送劉刑曹北上冬葵

上浴紅塵媚風款款如懷室
帶雨雙雙不傍人日暮啣英衝霧
返哺難供母未為貧

訪王順崖純甫

出京師思見君晚風斜日泊深雲
門前懸岸路三尺院裏平房草
七分有好容顏談孔氏無他塵土
到河濱呼兒展拜更名處千里
鶯聲逐所聞

和邊汝明贈韻

人生那得此身全耳目或無手足
偏痿痺若教不在已聰明定可到
前賢風花是處堪題品日月於天
自代迂試上太行山上望肯將
鴻好向崖鑄

高事無端百病中行藏忍可付秋風魯戈未必徒回日秦誓焉
能自省躬豈有沽名青汗簡止從來志白頭
荆江南江北骨如
弄禮論猶爭第一功

和谿田贈韻

白日青天黃土風行人吹倒路難通欲開閭闔手雙赤未覲益
梅屏一紅芝豈商山尋四皓萍於楚伯驗群童夜來思對懷人
語夢長酬君不匪躬

壽馬上舍體乾母夫人南和人

白頭桂子祈長年思與姮娥壽比肩昨見芝孫文字好依然椿
祖氣神全定知王母桃千歲時有瑤池醉八僊薄劣關西周漢
畔菊初開清輝夜夜鱣池月流影翩翩渭水臺夢裏相思無限
處九峯山下石樓隈

次黃岩劉舜弼齋居漫興十首韻 戊子

上帝高居亦可攀郊齋對越此千官 至尊有道犧牛吉天下
無虞鼓角寒萬里長江霽瑞雪九成彩鳳舞瑤壇遠臣春夜識
平格露滿金莖白玉盤

齋居幸我接仙家 宗府南來第二衙凌雪日吟雙栢樹探春
時玩碧桃花俄聞唳鶴驚新夢旋著明衣照曉霞回首紫金山
上望蚤朝初舞萬群鴉

冉冉春光洩柳條雪消巴蜀覽江濤萬家簫鼓元宵近極目煙

霞去路迢暈酒暫除元有戒簿書恒御肯辭勞效靈海岳陰晴
順光格乾坤際 聖堯

履端之月未鳴雷春色先從草木回助 帝思成應面壁看天
有道肯啣杯清時幸我江邊遇白髮愁人鏡裏催消息堪窻外
報著花數點一枝梅

暮爾清風欲斷腸客遊白下正榮光開花不數春深艷杖節誰
同歲晚芳素志冰霜元自潔仙姿脂粉不勞粧雉膏寶鼎初調
後擬薦馨香達上方

十載春前常侍 駕三千里外獨思 君龍旂日出郊回舞鳳
管煙冥宴次聞 天語傳乾碧殿酒宮花插墜白頭雲遠臣無
暇瞻依思傲戒猶勞至夜分

除暈斷酒今三日雪釋雲晴萬里新老疾太常焉非婦心齋
氏更何入月臨江水連天碧柳拂風煙滿地春抱簿登堂前件
畢焚香還理舊綸巾

春蚤雪晴風尚寒滿城簫鼓鬧長文一天月色爲誰拭幾樹梅
花待我者沆瀣更宜餐夜永奚僮莫遣剔燈殘南郊禮樂今應
就共覩昇平有甚難

靜院松枝壓帽低齋居典籍夜還携細看銀漢斜移斗忽訝春
窻已唱雞萬里烟花懸皓月十年辛楚憶黃齏禮成郊祀應多
福瑞雪家家滿稻畦

春光入署小堂幽
白日簾垂何所求
柳樹灣前時避馬
洪門街左日登樓
風花客舍千年夢
勲業江城兩鬢秋
遊子天涯聊自適
文無機械類沙鷗

次教齋公韻別我齋

積懷方幸此追陪
忍向江邊贈別杯
但使春風通劍閣
不妨白首過琴臺
蕭蕭彩鷁雲霞遠
望望青城桃李開
素許斯文原未薄
奎光遙遣映寒宮

賀內濱得子次谷泉韻

房彥曾占生國器
徐卿今果抱祥麟
沈潛孤矢懸門好
鍊許熊羆入夢新
白首提孩開後世
赤心報主續先人文

東地湯餅欲隨江上烟

九月中夜坐

不奉龍顏今五年
西風落木大江邊
女媧煉石思天補
夸父操戈逐日還
黃菊定開溼野露
白頭猶滯秣陵烟
欲爲老計憑誰會
渭水南山到眼前

建陽楊上舍節夫出索別詩

節夫文敏之玄孫
風教于今世尚論
勲業千秋懸日月
雲仍此地見乾坤
青春問學灣中柳
白首論心雪裏尊
歸去武夷山上望
寒泉精舍定猶存

次東橋示雪後同石亭遊花巖牛首韻

牛首花巖觀合宮仙遊恨未接高蹤
兩年遠客三山地千里幽
懷萬樹松欲借普提燈影寂
史看滄海水烟濃白頭未散道遙
適對雪館風憶曼容

兩公探勝未同徂踏雪尋梅野興孤
抱薄風前江寂寞看花酒
後眼模糊洞中石鼓閒應響巖畔
金花爛未圖白首空慚遊覽
約幾回扶病又躊躕

次白樓先生辭

孝陵韻

巳丑

春書陰陰夾路松謁陵鍾阜彩霞重
龍蟠玉柱長江曲

拱神州五嶽峯萬里生風觀化遠一
時元老沐恩濃緬思戡定

華夷處高躡三皇五帝蹤

和南橋約再遊靈谷寺

靈谷春深萬樹松追遊何日酒杯重
江邊牢落白頭客夢裏空
懷少華峰竹靜逢僧塵可息日斜啼
鳥興徧濃莫辭鍾阜蒸雲
起雨後清蕪失舊蹤

和南橋登城南杜氏樓并觀奕

江上登樓憶舊松春來蒼翠幾千重
陰深鹿苑開三逕夢入金
牛見一峰共送山公離宴集不妨
杯酒習池濃繁華轉盼如觀
奕勝負推枰不記蹤

再疊白樓先生韻

相公遮莫撫孤松尚憶當年晉接重
春日山陵辭白首明樓風

雨失青峰絲綸閣待孤鄉到葵藿心於魏闕濃履上星辰酬
帝眷中原今有餓殍蹤殍音

同虛齋弘齋登觀音巖閣次白巖喬公韻

息波天上此江深萬樹春榮鳥自尋北望黃河龍馬出南瞻鍾
阜鳳凰吟懸崖有閣窮千態空谷無人時一音蘭臭同觀今古
秘相逢不是漫登臨

登水雲亭懷前溪有作

水雲亭是子親書乍見如驚灑翰初東去江河神自在夜來風
雨夢還虛三山梓里周遊處十載年家獨吊予此日煙霞深處
望溪邊猶見故人廬

和弘齋大觀亭雨坐

重上磯亭興未休白頭人在此登樓高歌伐木山應響漫笑投
壺鳥亦留入座風花皆自得滿天煙雨不曾收多年病况憑誰
釋身到長江第一州

宿牛首晨興次五山韻

牛頭此已到峯欽萬壑千岩接晝陰芝躋高尋梵率悶石龕入
問辟支心夜深風雨龍應起榻近松篁鳳有音綠野青山應便
了休將白髮負冠簪

逢僧翠嶽述清涼寺李西澗先生詩遂次其韻

憶上清涼暮倒尊遠塵新市帶江村梅花雪妬渾無葉松室雲

封不辨門彩鳳儀虞非竹石黃龍翔夏此乾坤梁陳花柳荒臺
外暫借清園取次論

次韻送京兆天遊陳公還廣

曾於洞府聽坡詩忽見扁舟出帝畿豹變共憐迷紫霧鳳鳴
能不戀丹墀車懸北斗疏歸處望整蒼生謝臥時總是江湖憂
世切釣魚臺上憶恩私

次五山遊白鶴道院

梅水何如此近川陰陰洞府藹祥煙雙山夜解蓮花酒一柱期
觀玉醴泉翠竹交加誰別葉白羊騰舞白通天郊回好雨冠裳
濕禹跡堯封定有年

次在軒端午敬亭觀山韻

端陽列宴喜重陪移席論心暮始回艾葉發花當粽巧山光灝
氣隔窻來萬竹林深辟鳳入蒲池荷淨一蓮開公餘不必尋梅
水追逐原非為酒杯

廡山樓為天台潘城子良題

廡山何事更登樓莫是貪山未肯休天地於人原自足尋常省
已若多求如知九仞若吾往可使平生但浪遊試上泰山山上
望萬川滾滾日東流

鶴廳後院邀諸公觀紅梅和五山限韻

去歲飛蝗盡草萊茲辰喜見一軒梅太平有象春盈目虛館生

香影落杯况是江山來遠照雅宜蜂蝶戀初開天涯仙侶同幽
賞淳春尋吟未可回

二月十七日於在軒觀雙梅 和五山

一樹兩樹白梅春身到仙家自清真紗帽脫吟就筵閣雪花暗
結當栢新枝牙枝幹盡八卦爛熳壺觴吾三人時坐客半去勞勞繁
華紛紛外逢月臨風意轉親

二月廿二日雙山邀觀梅花水 五山韻

美人約醉梅花水三百六句選一晴暖日薰山來暗馥春風繞
澗繫遐情傍巖立脚從頭健對沼開花徹底清為問東君携酒
數谷中出鳥正同聲

江國霖雨五十日春遊尋汝逢山晴十年相思恨對晚片片逐
舞兵關情結實固將酬君德臨流先已助客清倚筵欲續三弄
調不分東風落梅聲

三月二日五山邀遊盧龍山次白岩公韻

高登層巖三月涼萬樹煙柳生金黃身臨白石齒齒細眼見春
江明明長龍虎踏盤真定命 祖宗德澤遍遐荒追隨俱是風
雲客塵甍何妨到夕陽

次五山韻

金華有記閣江樓病裏扶輿此愜遊雲日愛山千樹立煙花照
眼一江流地連身皆封城人到三秦半白頭况覽 皇圖真

可頌車書一統邁商周

一宮兩國一載外兩歲追遊常春風桃花柳絮皆自得梅水虛

龍還相同萬點青山籠好日幾雙白鳥麗晴空閱江樓上情偏

遠野馬應須待晚鍾

二月九日邀諸僚觀署中絳桃 五山限韻

七年不復聽 朝難獨樹緋桃憶掖西盡布赤心渾戀闕低垂

白日似綠谿春深未減紅梅態風動應來青鳥樓况際休明天

宇澗對人無語待詩齊

次韻答陳石亭

倒疑披衣客到門登堂繫馬說 新思含情却覩葵藿縱老

寧忘乾與坤校史曾於藜火共流年如此電光奔奎旌冉冉

東魯有美懷人未敢言

和酬文菴宗伯韻

欄干漫倚看初漲雨過江城六月涼復觀新堂開楚塢那禁久

客憶河陽太平有道占年切多夢懷人與夜長渭澣涇涯十載

外舊時增典未嘗忘

和虛明館中秋雅集韻

烟開萬里海天秋月滿虛明亭子幽徐有清風吹籟巧不勞長

笛倚樓愁江山繚繞軒前列星象分明水面浮坐久神存悲頓

悟塵埃逐去總悠悠

次韻別范伯寧

上新河口重相離南望長江一棹歸海島鯤鵬隨日遠洞庭鴻
鴈與霜違春風白首常慚座玉露黃花已授衣萬里周行應迅
邁楚雲秦樹兩依依

庚寅長至郊齋次紫岩韻

詔出黃麻五鳳樓 明時郊祀續西周莫將方策評三統已見
當年貴九丘共仰則天惟蕩蕩還看制禮極優優須知奔走趨
蹌處欲繪窮閭達 冕旒

聖皇晨御袞龍裘登祭郊壇獻遠柔玄玉通靈燠紫絳筆如
水照黃收不勞律管葭灰動已親圭標日影浮節自應酬

德一牛聊紓萬方憂

霜花嚴隊肅千官 聖主新郊矣泰壇萬里河山供玉服一天
星露落金盤繡旂香裊陶匏古北斗風晴子夜寒遙憶天親神
享處踈愚不復念漁竿

長至風清兼月白南郊地久共天長 聖人至此龍旂動 玉
帝來歆虎拜光祇可民窮為獻納肯將物異效禱祥捫懷尚記
周臣雅徧德終歸天保章

次貞菴司寇公韻

報國無能身可捐夢瞻 郊祀亦周旋圓丘千尺非卑地長至
一絲果是天鳳鳥遭時儀恐後梅花傍臘綻應前須知繼述憂

民處 玉帝 高皇共解顏

次小泉司馬公韻

圓丘鼎建紹成周在滌犧牛不用求禮樂新登天地闢聖神素
與帝皇侔燔柴虎侍三千俊秉玉 龍行十二旒欲識瞻天絕
武處心齋祗爲萬民憂

次鍾石費先生韻

秩天典禮代相傳 聖世圓丘建此年蠻簪島夷承遠化岳詢
牧訪固皆然翩翩制作逢時觀滾滾風花入夜聯欲頌祈天惟
求命愧於班馬浪成篇

齋居餘我獨無衙寄榻瓊垣亦不諱蚤看明衣看月彩漫遊靈
院問梅花河山全拱 皇靈遠雲霧俄開 天意嘉尚憶

經筵曾勸講車書萬載馭夷華

次輔菴京兆公韻

聖主龍飛之九載圓丘創造賦思玄越甄燕玉皆平格爾嶺蛟
檀亦吉蠲誠欲履長追泰道故知卜事定豐年遠臣無限瞻依
思齋戒神明有法天

次有涯中丞公韻

偶於瓊署借齋居正際于郊長至初 龍袞衝寒披八露煙嵐
開霽觀玄虛 肇稱遠合放周典丕作不同秦漢書猶冀無前
昭偉績聲名洋溢盡堪與

法駕于郊出晚闈飄緜旗旒載星辰圓丘初舉因長至一德流
行欲蚤春 聖心更念 高皇舊大典當先百度新密勿燮調
應探本江邊瞻望有孤臣
大官烹宰燕來戎南至新郊格上空首萬能龍擊羽蓋三千禮
樂振 皇風緬懷掃地開先舊共覩爲丘如此工分合寧能訖
是否祈天思與召公同

九月東園徐君邀卿寺請公賞金孔雀菊花作

花照朱衣金孔雀酒斟白露玉芙蓉香欲透東園翠踈影俄
懷渭野重遠客江邊酬九節朗吟籬外抱高丰披襟共戴思元
亮况伴凌霜幾樹松

祈穀齋居補和補齋京兆韻

聖皇祈穀格玄天未入齋宮雪已前萬里來牟應九秀一時禮
樂合千年逢春倚杖臨階立抱病移床對月眠何處玉人歌郢
調凌晨寫送白雲篇

又和瑞石京兆韻

清時祈穀選元辛創改明堂此肇裡繭粟猶承郊祀舊琮璜更
比社壇新懸知 文祖啟儀式固有宗工捧綵綸抱病江干遷
坐處雪花初霽照星辰

與汪九霄父筆山處士

汪七四旬隱筆山白雲流水五溪間有兒遺學金陵道負笈常

澠里先生詩集 卷二
瞻大勝關自古申公能誨哲後來黃憲善希顏西歸梅使乾坤
遠萬里長江此一灣

次蒲汀家宰生子韻因以賀之

相門秋日久懸蓬抱送麒麟自魯東豐邑人家應裕後探花仙
子漫成翁熊占月下吞牛氣璋弄風前醉鹿葱况是靈椿眉壽
日好栽芝樹滿庭中

壽筵新別舞衣斑江表俄傳胤子蘭黃閣漫辭天上寵明珠且
向掌中看昂霄聲壑應今重視武趨庭此際安奕葉定知東岱
遠行瞻入相笑團栾

於四峯宅賞菊因識其戚金七萍之賢有作

四峯安有好黃花風雨今秋第一家不向東園誇杏艷漫於南
斗憶京華三千禮樂同春日十二河山詠落霞試問寒芳何處
種七萍仙隱冶城斜

送紫岩先生考蹟

金陵銓部新叨屬王管分書舊添陪人物衡平今大雅文章藻
爛古遺材行揮白虎殿中草漫酌青雲江上杯 聖主久虛綸
綉席共瞻葵藿倍常開

壽魏國太夫人為徐公子東園作

王侯屢棄明先烈公子一生虛左車壽母共期歌魯頌娛親應
見舞萊裾長江遠領南邦紀明月高懸戚里居織就紘紼終譽

永傳家常似造家初

次少宰蒲汀先生長至郊齋韻

共覩軒堯此一期重新海嶽邁前時
霜中圭影咨和叔月下燭
紫引伯夷禮重郊齋同待滿
詩賡天保漫沾髭千年昌運瞻真
主江表孤蹤憶斷脾

仲冬四日長至期 聖人矣至太壇時
寶爐香裊移千羽翠磴

雲翔擁四夷 瑞白龍蛇搖月影
旄頭虎豹凜霜髭仰瞻平格天
心處欲頌維清整肺

舊於金馬愧三長老向蒼江復一陽
雲裏旌旗儼鳳鳥望中壇

殿肅 神皇千年蘭采追長至一統
車書譯越堂憂報太平猶

似祀寶賢孤願是真祥

晝誦壺添一線長江城人際幾回陽
齋居刻燭同書嘖駿走隨

斑仰 玉皇新月明登周黍稷紫檀
香裊舜衣裳懸知和氣通

天處鳳鳥梧桐有致祥

恒山宅同年會出瓶菊索題

壯年拾翠玉河沙白首江邊尚探花
醉而冬深凌素雪清輝日
暮映朱霞問誰根老春前種任是陰
踈月下斜况際一陽來復
後孤芳帶醉照天涯

同年會詠橘

數日烟雲此夜收紅塵奔走未能休
河山萬里詩懷壯禮樂千

澤里先生詩集 卷十三 四十九
年客思悠滿座洞庭霜下橘環吟北斗笛中旣仰瞻銀漢斜移
處旋轉乾坤似水流

蒲汀先生祈雪一首

雨雪欲來烟氣濛陰雲萬里海山同暖驚昨夜銀飛霄曉見寒
枝玉琢瓏丸秀來年應在望兩間魚鳥亦交通遠臣無補
神堯化小爲蒼生祝歲豐

次司寇田貞菴公元日韻

多病一身未暇醫苦聞紛政邇來稀三旬雨雪開元旦積思山
林改振衣世際亨七占即泰年愈知命覺前非陽春竊和蘇公
調欲觀天涯萬物神

賀晏東齋

十年關陝留深澤萬馬金陵守舊畿布被終宵溫似火齋銘滿
壁慎於徵漢朝鄭衆風流在今代遷公史學稀醇德共瞻還內
相 聖朝重勅未容歸

送少宰蒲汀李公考蹟

春日懷椿明彩服况當考蹟謁金鑾南都人物新衡品北闕聲
華舊講官所拔生徒登相屢此行動勳業盡人看聯班却憶趨陪
處謨論開筵見肺肝

前川同年會看花分得花字

儲社堂中夜看花碧桃茉莉有山茶春來萬物先生色老去同

年幾會嘉有小兒童金縷紐况多燈燭翠玉斜高枝遠向牛頭
寺香滿前川十萬家

送林北泉掌科陞湖廣憲副

青瑣近臣分憲節紫雲孤棹濕春裳千年赤壁懷方遠萬里丹
楓憶未央賸有諫垣留草稿共瞻楚地肅風霜白頭忝接鷓行
久曉折瑤華贈別觴

送獅山掌科陞寧波

寧波太守守甬東丹山赤水四明雄青瑣之臣天上容黃堂行
牧海邊窮已看歿虎曾持簡更覩犀用鞭不銘甬民力東南真可
憲使君先為起疲癯

送海隅毛中丞

三年遊宦於江左五月折梅送海隅萬里風沙驚入塞九重宵
旰正愁予樓臺自古稱無地行李于今賸有書厭次歸來垂釣
處江湖廊廟定相如

題秦懋南蓀洲冊

四明秦子買蓀洲霞峙雲溪此壯遊任是殘香流薄霧祗便幽
翠耐深秋臨風啼鳥開黃卷蘸水牽花泛白鷗生惡化茅傷本
性清絲常綠鳳凰樓

次小泉少司空韻北上

歲序飄飄已度春明公白首謁
楓宸寧將別調安新譜須信

官家用舊人數萬甲兵馳望久幾疏營繕近年頗懸知魚水應
相合共覩虞庭撫五辰

送新山少司徒考蹟

明公獻蹟三年舊賤子分詩一代愚彩旆凌空霞霧濕白頭憂
國海山癘江南蝗青勞存記河海流民入畫圖共覩使君能直
節聖明元不好逢諛

送黼菴梁京兆考蹟

五年江上此相知萬里天邊告別離有好襟懷皆爲國無他
羨慕題詩追趨每問星辰夜倡和曾於風雨時此去
聖皇應簡在月明常繫故人思

容堂總兵邀南津司寇中梁同遊天界寺次南

津韻

追遊踐約此天界雲烟花七月新有好長辰慚後至差况多嘉
福起前人殷雷故作南山主半日忻逢竹院身白髮紅塵惟有
道靜中談笑轉相親

東麓亭題三石山水

自見子昂松雪圖江南江北畫師無
觀馮子點籬鳥精彩如
同神助扶處暑方辭七月節西風早
冶城隅化工遙望無邊
際還請馮君一寫模

送石湖何司空考蹟

一統車書當代盛五雲
劔履上卿功壁雍
太廟先輪與武庫
輿梁亦棟隆壯麗蕭
何今再見素絲鄭
衮許誰同應知度地居
民處廣廈千間庇困窮

送治齋萬中丞考蹟

端門執法近明堂將相分持捧
玉皇石室蘭臺元密勿絳騶
白簡自風霜多方水旱悲榮獨
一心賢材屬激揚
聖主憂民方懇切中丞封事豈尋常

常菴蔣舜咨來四峯邀女於世翰堂作

仙客韋菴秋半來金陵明月向人明
四峯深院懸壺矢溼野高
懷恋酒杯城市夜闌塵土寂寞朋
三斗牛回睽蓬易水三

載白首同遊古鳳臺

再宴四峯宅以曲林至也

清夜四峯留曲林閉門投轄碧松深
人閒錦席饒頻速隣有金
尊更取斟四海弟兄今俛
不幾三山星斗合相尋
太平有道瞻今日莫惜衰顏但苦吟

宴邵氏儲祉告土朝前川不勸飲

十八中秋儲祉堂前川有酒不行航
空餘金縷調童子謾向煙
綃觀鳳凰雲歛碧空虛
反鴈月來東海已過墻
主人素號風流者切莫
扳人作等行

宴曲林寓第是日曲林六十九誕辰也次前川韻

曹於鷗鳥共忘機
偶向流雲到帝畿
八月喜逢今會好
百年先賀古來稀
青松白鶴凌霜健
碧海蟠桃帶露肥
童子絃歌稱壽曲
膝前還見舞萊衣

宴後齋上春樓

清秋人宴上春樓
風月無邊醉白頭
滿甕金華今豈足
四峯珠玉已先投
碧天涼露襲藤蘿
濕畫棟飛雲鳥鵲留
彩筆謾勞題貝葉
坐看生物徧遐陬

於羅半寬宅宴集次四峯韻

八月十日宴月華
西風寒雨侵燭花
滿期今夜園裏醉
更遇泥途足難加
中秋未規蟾蜍密
近海翻宜牛斗槎
天池陰晴皆是

相逢肯賦長安斜

飲盧龍觀酬五君作

關西呂子直性偏
到處逢人亦相然
江上五君膠漆固
客邊九月酒杯便
白頭期覩寒川逝
清夜同乘皎月圓
世上紛華皆塵土
趨蹌祇可對青天

長至郊齋次紫巖先生韻

聖代清明際至仁
嚴冬天氣似深春
紅梅半抹江臯粉
翠草平鋪座外茵
雲裏旌旗威鳳翼
月中壇殿玉珠新
懸知位育彌災處
共覩周王夜側身

五載南州改鬢華
病身猶自滯江涯
雲槐久抱長安夢
月渚空

看白下接近報 至尊憂社稷可能一已思鄉家寄齋瑣署逢
長至便觀昇平世道嘉

遊鳳凰臺觀松

五年江上得今遊坐看孤松白日流况伴梧桐來彩鳳正無風
雨到高丘南紫氣牛頭寺北帶明霞燕子洲惡雪嚴霜常獨
立蒼顏翠宇似忘愁

何日鳳凰於此來至今猶說鳳凰臺鳳凰知爾歸何處雲水杳
吾尚惜材曾舞虞廷諳九奏一鳴周室徹三台聖皇有志追淳
古莫向丹山不肯迴

誰家池館愛留賓俟鳳堂高萬象新烏爲九苞丹穴去身逢長
至酒杯新南州白雪慚嘉會 北闕紅雲憶遠臣共取凌霄生
羽翰瑞時還觀濟斯民

鳳山秦司徒轉北司空

畢空再保南邦地丹鳳重輝 北闕辰五時建章矜漢代德參
玄素重唐人時當豐豫湏從損道在尋常本自真振古元臣爲
柱石 聖皇今詔正更新

次紫岩先生韻因以壽之

太宰朱顏向六旬倚江簫鼓慶青春梅花香繞瑤池宴客馬風
飛紫陌塵共擬元臣調玉燭自然一氣轉鴻鈞中原方苦多年
旱霖雨還看存若人

送太常九峯胡公考蹟

東風欲動花枝軟使節高騫彩旆輕三載南都爲禮樂萬年國
祚重神明位參九棘虞宗伯學望桓榮漢五更去近楓宸應首
接廟郊方憶老容卿

觀燈宴集在克齋宅作

栢川橋畔喜初晴伐木筵開萃友生白首漫嘶鸚鵡爵青春先
聽鳳凰笙多少愁歎占年好久客思歸擬夢成簫鼓萬家燈火
夜太階玉燭仰平明

於四峯宅宴集觀介立投壺作

珊瑚雨聲侵石房君子有酒瀉瑤觴夜靜聽歌音颯颯院深松
栢樹蒼蒼高材已獲穿揚雋淺尤猶嫌折屐忙若個乾坤今老
夫春懷尚抱浴沂狂

得大司徒石樓先生書寄壽

石樓夫子八旬餘舉步飄飄仙不如往醉心可方文菊近傳江
海一雙魚懸知衛武心存雅共覩伏生口授書抱病南州瞻思
切動人風采就安車

贈浚川大司馬考蹟

南都保釐瞻機務中土材賢屬宰衡春入江山歌頌遠興同花
柳指麾明高車駟馬非公志海宴河清見我生白首相知三十
載年饑定不遂私情

半窻百物園宴集怨四峯先去作

句曲侵宵來已暮四峯不醉去何忙
主家芳草曾三日客子高
懷須數觴柳絮楊花分上下南山
北斗互低昂那堪百物園中
更有景憐君未共償

和韻寄碧溪歐陽

遙慕碧溪水接藍雲山萬仞許誰擔
獨憐迂腐元無伍另寄鱗
鴻至再三眼見鳳毛翮向上笑慚吾道亦能南
扁舟欲訪匡廬
處滄海同觀一縱談

中梁考績

共舉西京三十年雙瞻白髮大江前
司空北奏丹楓績五月南

風彩益船父老二秦誇石奮公卿此日數
草賢應知報吞蒼生
望者獻臯陶二在篇

司寇周貞菴公致政

明公致位歸吳會天下衣冠惜故知
白香漫藏經世策青山聊
共洞庭卮興來拄杖閒隨鶴客去
鳴琴賦采芝親見黑衣能繼
補弄孫點檢舊時詩

遶東阜京兆出參河南

曾於玉館叨分史近向金陵喜共尊
鈞鉅不勞稱漢吏輟轅寧
忍去周闈河間閱推繩武翰苑文章已
到孫出入均勞皆舊
江亭折柳暫重論

半窻百物園宴集怨四峯先去作

句曲侵宵來已暮四峯不醉去何忙
主家艾草曾三日客子高
懷須數觴柳絮楊花分上下南山北
斗互低昂那堪百物園中
更有景憐君未共償

和韻寄碧溪歐陽

遙慕碧溪水接藍雲山萬仞許誰擔
獨憐迂腐元無伍另寄鱗
鴻至再三眼見鳳毛翮向上笑慚吾道亦能南
扁舟欲訪匡廬
處滄海同觀一縱談

中梁考績

共舉西京三十年雙瞻白髮大江前
司空北奏丹楓績五月南

風彩益船父老二秦誇石奮公卿此日數
享賢應知報蒼蒼生
望者獻臯陶二在篇

司寇周貞菴公致政

明公致位歸吳會天下衣冠惜故知
白首漫藏經世策青山聊
共洞庭卮典來拄杖閒隨鶴客去鳴琴賦采芝親見
黑衣能繼
補弄孫點檢舊時詩

遣東阜京兆出參河南

曾於玉館叨分史近向金陵喜共尊
鈞鉞不勞稱漢吏輾轅寧
忍去周闈河間閱推繩武翰苑文章已到孫
出入均勞習舊
事江亭折柳暫重論

次定遠池南唐子薦邀同愛亭有作

遠客乘秋過鳳陽美人報政已循良
四封極目飛蝗少百里征途晚稻香
戴月還勞桑澗送貽詩不羨杜生狂
滇南渭水八千計斯道相將一線長

和紫巖參贊公重陽負翁詩因賀其子登科

名公襟度豈尋常疾起先詞四海康
九日無勞籬菊酒仙郎已折桂花香
楊公飼雀芳流遠范老提兵濟美長
天產忠純扶社稷白頭寧憶太行庄

飲方齋宗伯宅和鍾石司成韻

旋馬聽如在館時江邊仙宴偶同之
大家芝饌欣留客公子明美教兒松竹滿園風欲動河山萬里俗將移白頭未了南來興慢向天涯補和詩

送紫岩劉先生北上

文章往代推歐九勲業于今憶一韓
自牖回天寧用力多材補衮更何難
共瞻作則商明哲應有筮來同漢治
安世欲中興還直講十年江表漫彈冠

過呂梁洪玉湖張都水貽硯并惠諸公詩因次韻答

玉湖 乙未

生平愛書先覓硯行獲呂梁雙玉片
兩手摩娑倍端溪光明溫潤驚初見
回思尼父嘆知天此語實寥寥幾千
年憑君濡穎告蘭

皇莫作銅雀宮瓦傳

過湯陰次鶴山公遺韻

不拜鶴翁十載餘
祠堂門帖漫新書
湯河清統一
流遠宰木森
培萬柳疎子壻已為明代士
材賢不減宋橫渠
西風凍日重
經過前輩聲光望墓墟

藍田望芸閣呂氏祠作呈示輞川李兩峯 丁酉

自昔愛山生性偏
不辭泥雨入藍田
玉峯翠嶺凌霄漢
輞谷寒流鎖霧煙
故有宋朝鳴四品
宜於此日見雙賢
野人夢昧多年所
便可卜居秦嶺巔

滄州別墅宴集二首

別墅秋氣森輞谷
兩峯日迫並門外
稻塍迷去馬
簷前流水故調琴
盤餐果有紫芝饌
杯酒恰聞青鳥吟
休意近山懶為宦
山林朝市總同音

兩峯別業初登閣
四壁多懸自己書
燕海襟懷元近道
名家器識更開予
十年有約步隣上
一日無名盡腹中
要使平生透金石
輞川不比摩詰居

壽藤蔭胡君六旬詩

新封御史年已耆
矍鑠猶如壯少時
白髮不忘憂國志
金衣紫綬長引羨
蓬萊臺端有子風
霜烈總帳無人冰
葉知此道于今良
獨見南山合續野夫詩

乙峯蘇公考績

光整帝憶昔遊澧河清水故同流
追蹤親親南邦重考績
北關優司馬旌麾飛車節太常
日月照龍遊遠塵恒報
應有評議答 免旒

次渭厓丁酉除夕詩韻

今夕何夕寒減威思將寸草報春暉
物情變態知誰使天道屈
神那可達隨外梅花消息早江邊酒盞故人非
衡陽北馬來水
拜白首遊人尚未歸

每瞻北斗動南思即有東風向客吹
江海望春民皞皞輕肥無
夢日逢逢歲華半落辭椒酒生意分明到柳枝
奔走四方漸耳

順安懷尼父我天知

陪祭 七陵恭和

御製詩韻

每訓臣工敷腎腸况逢春事禮初張
陵思雨露孝蕪頭寢見
衣冠長到康已奉思齊供澗藻仍顛上使渡江洋有明功德超
千古萬載河山此土疆

三友軒同諸友觀梅

人日穀日梅花開倚欄携友對啣盃
淡香忽被微風送踈影恰
如小沼迴松竹欣逢為伴侶
冰霜飽歷共徘徊欲知結實調元
鼎固有先春此貌材

寄余叔載坤

江東十載識蕪湖
涑水炎蒸此送吾
曾向金鑾簪白筆
漫於黼宮坐青蒲
奇才自是激揚調
正氣原非章句儒
燈火堦亭為別處
身騎款段惱全無

寄張恒山都憲

恒山先我棄南官
近幸抽簪亦種田
萬里雲霞分秀色
終身畝畝自悠然
晉州自古多人傑
渭野從今效爾賢
天地息深渾未報
從容去就免慚顏

寄馮子修元吉

重於寺裏送吾行
眼見榮華氣自平
有學原不隨世態
無心何必效人情
六堂敷教曾資我
三載書勲那比清
最是鵬飛鶴唳處
夢醒松竹月交明

還山有懷

幾時懷抱不曾開
武水渡河天上來
籬菊着花俱採摘
仙樓有月遲徘徊
差我北望看司馬
滄曲西瞻憶古黎
此約重訂踰六十
白頭同覽漢周才

和靜齋賞梅韻

近還涇野謝塵埃
喜有梅花伴雪開
一似高山超世劫
又如神女下陽臺
不論結實調元鼎
且取清標邁化裁
幽賞持盃嫌獨酌
東風恰轉待吾來

斯梅共羨花中魁怪道雪飛榮石苔萬里雲同寒欲往雙墀杏
早鶴俄猜一年臘事冷何倦九十春光信已來齟齬友人憐我
老呼童燼酒幾千杯

壽谿田兄詩

去歲春殘補賀盃今歲三燕早時開七旬將及頭還黑正月猶
寒酒已醅自昔作人偏壽考于今名世仗高才華風幸倚蕪葭
王歲歲題詩太華隈

西郭草堂成有作

內郭城陰構草堂輕風細雨即生涼北瞻攬翠樓何近南接通
涇路正長堞樹交翁人自靜山禽對語地偏良文章詞賦關新

此棄地于今際表彰

八月二日同陶季良進士登近渠處士之攬翠樓乃
谿田馬公所書也未幾東渠大尹亦至遙望雲霞翠

碧舉在目前因嘆谿翁所題若經過者遂賦一律

八月秋晴攬翠樓滿城烟景傍層流絳州陶子偏詩賦赤縣涇
翁憤酒甌字做西周盈四壁卷收江左半諸侯近渠處士非貧
客况有英賢射斗牛


涇野先生詩集卷之十二



五言古詩

客不飲美酒快十年

余對酒無事
八日於解縣



我執邪
深掃風起塵
扇之茅可以居
幽夷不為圖
形難辨
松與好
恩梳魂魄

上陵西十首

其一

細雨挑花鳴
翠翠翠
暖風楊柳
拂旌旗

皇皇三月



原件短缺

无卷首标目页

生世本爲羶安能作牝羊陰山風寒野草黃朝朝牧汝角益長
寧死膏蓬蒿不願爾生羔生羔雖我福天地有反覆陵耶律耶
我羶邪牝邪寄語諂諂妾婦人富貴草頭露權豪陌上塵日出
露稀風起塵飛此曲雖短其旨無涯讀之感慕詠之忘饑可以
勵忠孝可以居險夷不爲圖形麒麟閣祇與奸慝褫魂魄

曲

上陵曲十首

其一

細雨桃花鳴畢郢煖風楊柳拂旌旗

聖皇三月祠

陵廟掣雷飛雲名馬觀孝思

其二

聖母參

陵彩鳳幢

御車先道控飛龍即瞻

龍手推

鸞轂一日風聲化萬邦

其三

天王春祀從文儒

賜帶飄花逐駿駒欲識

圖千萬載夜深傳龍女輿夫

其四

黃鳥春深轉暗想

翠華日煖映

明樓

七陵紫氣千巖合一帶朱霞萬里浮

其五

金碧寶劍六龍飛春日郊原草木輝班從况多馮孝客賦成應

笑上林非

其六

崇隆瑤壇捧太常

奉皇新盤手焚符即於顯若看真觀應有謳歌徧萬方

其七

四海烝黎拱舜裳百王禮樂重堯章侍臣鵠立諸

陵下萬里山河天地長

其八

帝賚青衿勵學焚膏

德意深治世原資章甫士作人風已動儒林

其九

駕詣園陵父老迎殿朕吾郡此昌平

卷之三